

山西農務公牘

欽平知

解學

PDG

遵飭刊頒綜計表式

爲札飭事照得本年四月初五日案蒙 巡撫部院張札開光緒三十年三月二十五日准商部咨上年九月間本部按照奏定章程行查各省所設農工商各項局廠學堂公司辦理情形分別報部備案等因業經通行在案嗣據各省陸續咨報前來本部詳加覆核繁簡不一詳略各殊其有應行提倡整頓或設法改良之處本部無憑綜核亟應申定表式刊刻頒行飭令各該局廠學堂公司按照部頒格式逐項詳晰填註彙冊報部以歸一律本部藉以考察各省商業盛衰工藝良窳農務勤惰周知大勢互爲比較庶幾整齊利導有可以入手之方現在

朝廷重視商政本部有稽核功過之責各省官吏紳商如能設立學堂集合公司力開風氣辦有成效者一經本部核查得實自必據實奏明給予獎勵相應刷印表式並填註格式各一件咨行貴撫查照轉飭各該州縣查明境內所設各項局廠學堂公司遵照部頒表式督令該局廠學堂公司等自行分別填註造冊申報彙咨到部以憑綜核毋得遺漏是爲切要

等因准此合亟札知札到該局即便照刊表式並抄單通飭各屬一體遵照分別查明填報以憑彙咨此札等因蒙此合亟札飭札到該府州即將部頒表式轉飭所屬查照文內事理分欸填註即速申報查考以憑轉詳事關要政毋得宕延切切此札

四月十三日

部頒直省農工商綜計表填註格式

一各省已辦農工商諸政若局廠學堂公司等項無論官立私立均須列表咨部備核

二局廠學堂公司等項每所爲一表不得併立

三表式大小悉照部頒尺寸刊刻填註以便彙訂成帙不得歧異

四表式分十一格按格填註如左

第一格大書某省某某局公司學堂等做此

第二格建置 填註某年月日由某將軍督撫奏准設立私立註某年月日由某某設立如私立改歸官辦或官立招商續辦其沿革一例填註

第三格地址 填註設於某府某縣之某地占地若干如農務須註明撥購官私地畝若干

第四格員董 填註總辦某人提調某人及各項辦事人員若干私立註總董某人經理人

某人及各項辦事人員若干 如有洋工程師洋教習洋匠等更須註明某國某人訂立合同若干年分 學堂註教習若干員學生若干

第五格資本 填註官款若干由該省何款項下籌撥 私立註股銀若干每股銀數若干共若干股 或官股或商股或洋股或華股各若干均須分別填註

第六格規則 填註辦事章程若干條及一切規模分別詳載 如有更章摘叙原委註明第七格決算 填註開辦經費若干常年經費若干及各項開支分別詳載 其收項若干及贏餘花紅等項均須分別填註

第八格程功 填註辦有何效 學堂註程度何等卒業若干員 農務註開墾若干頃有何等種植 工務註有何等新製品共製成若干品 商務註轉運若干處有何種利益抵制輸入品

第九格咨報 填註某年月日立表咨部曾否咨報別衙門立案

第十格提要 填註該局廠學堂公司等宗旨所在及一切大略情形

第十一格隸入 填註該局廠等所有附屬之局廠等項名目 公司學堂做此

五凡隸入之局廠等項有事實可報者仍另立一表按格填註而於建置格內填註隸入某局字樣餘倣此

六此表每年一編責令該局廠學堂公司等自行按格填註呈報彙咨到部備案

勸辦農務工藝公司

爲通飭事光緒二十九年八月二十三日蒙 撫憲札開光緒二十九年八月十七日准商部咨光緒二十九年八月初六日內閣奉

上諭商部奏擬於各省設立路礦農務工藝各項公司請飭各將軍督撫會同籌辦等語現在振興商務全在官商聯絡一氣以信相孚內外合力維持廣爲董勸以期日有起色著各省將軍督撫於商部議設各項公司會同籌畫悉心經理並飭該管道府州縣隨時認真保護倘有推諉因循仍前膜視該部即行據實奏聞力除壅蔽毋稍遷就欽此相應恭錄

諭旨並刷印本部原奏咨行欽遵可也等因准此合亟札知札到該局即便遵照并轉飭所屬一體知照此札計粘單一紙等因蒙此合亟札知札到該府州即便轉飭所屬如能邀集地方公正紳商勸令廣設農務工藝各項公司商務必有起色其已設公司之處務須盡力

維持保護以重商政切切此札

十月十八日

刊頒獎勵公司章程

爲通飭事光緒二十九年十月十三日蒙 撫憲札開光緒二十九年十月初五日准 商部咨光緒二十九年九月二十一日本部具奏酌擬獎勵公司章程開單呈覽一摺奉

旨依議欽此相應恭錄

諭旨並刷印原奏清單咨行貴撫欽遵可也等因准此合亟札知札到該局即便遵照毋違此札計粘單一紙內開爲酌擬獎勵公司章程請

旨遵行以廣招徠而維商政事查臣部章程內開擬招商設立鐵路礦務工藝農務各項公司先行試辦再令各省逐漸推廣等因奉

旨允准通行遵照在案臣等竊維商務之盈虛與財政之得失相維繫豐其本則實益蕃揭其源則流自暢中國風氣初開一切籌款事宜尙須官爲提倡然僅取諸公家誠恐後難爲繼故必集衆擎之力乃能溥美利於無形此招商設立公司所以爲先務之急也惟是商情

觀望由來已久倘無以鼓舞而振興之決難冀其踴躍從事伏查定例士民人等好義急公凡有益地方之舉均蒙

旌表建坊其捐貲至鉅萬以上者交部議叙至助賑則獎以虛銜

封典軍功則給以世職

朝廷賞善酬庸極爲優渥皆所以風厲臣民俾昭激勸商人出貲籌集各項公司佐成

國家要政其報效忠忱尤非尋常義舉所能及至於日後辦有成效收回利權其獲益亦與立功相等自應奏請

恩施量加優異查臣部章程本設有顧問官之目其次擬作爲議員在商人得通情以抒論在臣部得廣益而集思惟須分別等差以示懸格相求之意臣等公同商酌並參考例章謹擬獎勵公司章程二十條繕具清單恭呈

御覽如蒙

俞允即請作爲專章由臣部咨行吏戶兩部遵照並分咨各直省將軍督撫通飭遵辦以重商政所有酌擬獎勵公司章程緣由理合恭摺具陳伏乞

皇太后

皇上聖鑒訓示謹

奏等因奉此本局遵查晉省素稱富庶是以西商之迹遍於各省實爲華商根據之地自沿海各埠通商以來華商因未諳商學每落人後受虧不少刻今

朝廷重視商政特設商部爲之提倡茲經商部奏定獎勵華商章程至優且渥凡我華商睹此亦可興起或設商會或集公司組織團體以聯羣情而興商務合亟通飭爲此札仰該府州即便轉飭所屬出示曉諭商民一體知照切切此札

部頒獎勵華商公司章程

一集股五十萬圓以上者擬准作爲臣部頭等顧問官加頭品頂戴並請仿寶星式樣

特賜雙龍金牌准其子孫世襲臣部四等顧問官至三代爲止

一集股四十萬圓以上者擬准作爲臣部頭等顧問官加頭品頂戴並請

特賜匾額准其子孫世襲臣部頭等議員至三代爲止

一集股三十萬圓以上者擬准作爲臣部頭等顧問官加頭品頂戴並請

特賜匾額准其子孫世襲臣部二等議員至三代爲止

一集股二千萬圓以上者擬准作爲臣部頭等顧問官加頭品頂戴

一集股一千萬圓以上者擬准作爲臣部二等顧問官加二品頂戴

一集股八百萬圓以上者擬准作爲臣部三等顧問官加三品頂戴

一集股五百萬圓以上者擬准作爲臣部四等顧問官加四品頂戴

一集股三百萬圓以上者擬准作爲臣部頭等議員加五品銜

一集股二百萬圓以上者擬准作爲臣部二等議員加五品頂戴

一集股一百萬圓以上者擬准作爲臣部三等議員加六品銜

一集股八十萬圓以上者擬准作爲臣部四等議員加六品頂戴

一集股五十萬圓以上者擬准作爲臣部五等議員加七品頂戴

一自四等顧問官以上應由臣部專摺奏請給獎自頭等議員以下應由臣部分別給獎每

屆年終彙奏一次

一商人原有職銜在所定等第之上准其遞加一等譬如集股八十萬圓本身已有五品頂

戴應准換四品頂戴仍作爲臣部四等議員餘以例推

一商人集股若干或本身已有職銜不願再加臣部職銜者准其具呈聲請移獎該商之胞兄弟及親子姪惟不得濫移遠族

一獎勵公司固以列名於首者爲斷若係數人同集之股勢均力敵亦可呈請分獎譬如五人各集股五十萬圓合爲二百五十萬即照集股五十萬圓核獎五人各作爲臣部五等議員餘以類推

一商人得有臣部顧問官及議員職銜者均毋庸在臣部常差惟遇有關係商務利弊應行建白之事准其隨時具函逕達臣部祇須敘事詳明一切體裁概不拘以繩尺其事或准或駁由臣部酌核辦理

一商人既得有臣部獎勵職銜自應優加禮貌如有以事關商務謁見督撫司道等官自四等顧問官以上均按京卿儀注頭等議員以下均按部員儀注行庭見禮惟遇有招搖包攬不法各情仍由地方官按例覈辦

一以上獎勵章程應在公事開辦一二年後著有成效由臣部查驗得實方准酌核給獎其

尙未開辦僅在臣部呈驗貲本以及辦理久無成效者不得濫行給獎庶於鼓勵之中仍寓限制之意

一向來官場出貲經商者頗不乏人惟狃於積習往往恥言貿易或改換姓名或寄託他人經理以致官商終多隔閡現在

朝廷重視商政亟宜破除成見使官商不分畛域合力講求庶可廣開風氣如有世家巨族出貲湊集公司辦有成效者亦准按照以上章程給獎其或已有官階職分較崇者另由臣部隨時酌量情形奏明請

旨給獎以示優異

會札通飭填注年終吏治表

爲會札事光緒三十年六月十三日奉 巡撫部院張札開光緒三十年六月初八日准政務處咨本年五月十四日內閣奉

上諭朕欽奉

慈禧端佑康頤昭豫莊誠壽恭欽獻崇熙皇太后懿旨從來民爲邦本國家用人行政無非

爲民州縣之設原以與民相親俾周知閭閻疾苦朝廷簡任督撫及藩臬道府等官皆欲其
董率牧令盡心民事庶幾撫綏休養保我羣黎百官俸祿皆係民膏民脂若養尊處優而不
憫百姓之顛連無告捫心清夜何以自安中國官民隔絕痼習已深頗聞各省州縣官多有
深居簡出玩視民瘼一切公事漫不經意以至幕友官親朦蔽用事家丁胥吏狼狽爲奸公
欺則舞弊浮收刑案則拖累凌虐種種魚肉爲害無窮小民何辜受此荼毒深宮惓懷赤子
每一念及常爲淚下嗣後責成各省督撫考查州縣必以爲守俱優下無苛擾聽斷明允緝
捕勤能爲地方興利除害於學校農工諸要政悉心經畫教養兼資方爲克盡厥職著自本
年爲始每屆年終各該督撫將各州縣臚列銜名年歲籍貫清單註明何年月日補署到任
經徵錢糧完欠分數及有無命盜各案詞訟已結未結若干起監禁羈押各若干名均令據
實開報其尋常公罪處分准予寬免不准諱飾任內興建學堂幾所種植工藝巡警諸要政
是否舉辦一併分別優劣開列簡明事實不准出籠統寬泛考語奏到後著交政務處詳加
查核分起具奏請旨勸懲並著將各省奏單刊入官報與衆共知以通下情而伸公論前經
降旨諭令各省將書吏差役嚴行裁汰即張之洞與劉坤一會奏摺內亦痛言此弊並恤刑

獄各條皆於吏治民生極有關係何以因循不辦著一體督飭屬員認真整頓各該督撫務當破除情面察吏安民切實遵辦用副朝廷力挽頹風勤恤民隱之至意欽此現在時勢艱難

朝廷銳意振興各督撫接奉此次

諭旨務當悉心籌畫切實舉行毋得視為具文至考察州縣尤爲吏治根本本年終奏報應將諭旨內所指各節開列簡明事實清單外另列一表於每員下將所辦某事及辦理是否切實抑係敷衍一一詳細註明咨送本處以備查核請

旨辦理相應恭錄咨行欽遵辦理可也等因准此合亟札飭札到該司即便會同臬司欽遵諭旨內所指各節將各州縣錢糧命盜詞訟案件學堂種植工藝巡警事務先行擬定表式呈送察核頒發各道府直隸州一面分別移行飭將所屬各員下所辦某事是否切實抑係敷衍一一詳細登註先期送由該司核詳以憑年終奏咨毋得視為具文任意填註致干未便其裁汰書吏一節業經另札飭遵務即認真裁汰同恤刑獄各條查照江楚會奏原案一併切速辦理勿再因循並移明學務處農工局巡警局一體欽遵切切特札等因蒙此本司

道等擬就表式一發各廳州縣填報政務情形一發四道一發九府十直隸州各將所屬府廳州縣才品政治分別開送一由兩司各局處彙總考核業將表式會呈 撫憲核定蒙批此表以年終爲限並限道府廳州縣均於正月二十日以前到省兩司各局處於正月底會詳到院以便二月初間奏咨惟道府廳州縣填送各表均須通詳撫憲衙門一面分送藩臬兩司暨學務處清源局籌餉局洋務局農工局以便依限詳辦茲將表式飭據經歷司刊刻刷印呈送前來除分別移行外合亟會札爲此札仰該府廳州縣即便遵照表式自本年爲始每屆年終切實填註依限通詳毋稍違延切切此札 十月初八日

光緒三十年正月起到十月底止各廳州縣辦理政務情形表

某府某州知州

某廳同知

某道

某州直隸州知州
某廳通判
某府某縣知縣

某姓某名年幾歲某省某

州縣

人何年月日補署到任

政務款目

經征錢糧命盜各案詞訟案件監禁羈押學堂種植工藝巡警

本員填報情形

本管道府州考核情形

此表大小分寸務須照式辦理以便彙訂切勿參差爲要

通飭整頓土貨

爲通飭事光緒三十年十月十二日蒙 撫憲札開光緒三十年九月二十四日准 商部

容光緒三十年七月二十一日准 出使俄國大臣胡查覆中俄貿易情形並詳籌整頓土貨辦法咨請查核前來查中俄互市以來輸出之額往往多於輸入良以彼國工藝美術均未臻發達地位故華貨猶得暢銷然茶磁各業已漸攘於外人繡織諸工復不宜於西俗欲求貿易之增進必賴製造之精良詳閱胡大臣來咨意在講求工業以握商戰之樞紐所籌整頓土貨各條尤洞悉情形足資商學家之研究相應刷印原文咨行查照轉飭所屬官商酌度改良力求進步以維商務而擴利源是爲至要等因准此合亟札知札到該局即便遵照通飭各屬一體酌度辦理以興商務而擴利源切切此札計粘單一紙等因蒙此合亟通飭爲此札仰該府州即便轉飭所屬遵照文內事理各將本地土貨認真整頓何者宜於摹仿何者必須改良務使土貨流通闢商界之利源爭製造之先著力求進步是爲至要切切

此札 十月十二日

出使俄國胡大臣咨復商部整頓土貨原文

附

爲咨復事案准光緒三十年三月十四日 貴部咨行奏請整頓土貨出口一摺並聲明由使臣考求中國質料程功較易者咨報等因查我國商人近頗究心於對外貿易然但從懋

遷有無上著想未從保護利源上著想但從天生材料上著想未從人工製造上著想處此商戰世界不於利源上製造上爭先著一人一家且難獲利更何能有裨大局論世界各大國文明進步彼英法德美四國確已由商業時代進造於工業時代我中國縱竭盡能力以扶牀學步之子而欲與騰蹕奔馳者競夫人而知其必不勝也獨俄國則初由農業時代勉幾於商業時代其距工業時代尙瞠乎其後彼之悉畢利部富鑛材而金石細工之品罕逢俄製悉畢利又富獸皮而硝洗割配之法必賴英工推之學術用品家常用品苟稍精緻必來自外國求者應者動輒賤視已國產珍視外國產雖曰人情好異亦可見其國製造之未精矣俄境亞洲一帶民俗蠢悍紳宦不聚需品不多西境芬蘭波蘭一帶鄰近德國嗜好已偏於西歐南境高加索雷木一帶鄰近中亞嗜好已沿於蒙古二者均非我中國商務發達地求中國商務易於發達地無如其腹地森彼得堡及莫斯科新舊二都與畿耶甫最舊都細察此數處土著客宦各風尚與夫列肆所陳列待售者固以歐美製品爲最珍然亦不廢中國製品不至如倫敦巴黎市上彼棄我製不得與彼製等類齊觀也則中國製品不敢望輸售於英法德美猶可望輸售於俄略舉數端切望我商人改良摹仿競出意匠以暢銷